

مکرمات

❁ ادبی و سیاسی رسالهٔ اسبوعیه در ❁

۳۱ نجی سنه

۵ صفر ۱۳۳۰

❁ پنجشنبه ❁

جزء عدد : ۱۳۱

حربك انواع مختلفه-سى

آلمانیا محررين عسكربه سندن و متقاعدین فریقاندن جنرال (فون بوغوسلافسكى) نك :

« مملكت و ملت ایچون ماهیت حرب »

نامندهكى آرندن ، منشأ حرب ، حرب و حسیات ناموس ، سلاح آرقداشلى ، ضبط و ربط ، حرب و اخلاق ، قهرمانلىق ، افكار جنكاورانه ، سردارلىق ، حربك حیات اجتماعیه و معارف و صنایع ایله اولان مناسباتى ، عنوانلى فصلاریك برنجیسی ۱۷ سنه اول ۵۶ نجی جزؤده و صوك فصلینده ۹۰ نجی نسخهده نشر ایلىش ایدك .

دیكر فصلارك نشرینه اوزمانلر بالطبیع نه استحصال رخصت، نه ده خودبخود جسارت قابل ایدی . ذاتاً نشر ایديله بیلان فصلارده ده حکمدار مستبدون زیاده ، حکمدار مستبدی آلت اقبال ایدینان بهانه جویانك اجرای اغراض ایده بیلمسنه میدان ویرمش اولماق ایچون بعض قهرملر ملی ایدیلوردی .

بوغوسلافسكى نك بو اثری حربك اجتماعى و سیاسى ، دینی و استیلائی ، ملی و استقلالی بر طاقم مقاصده ایلتا ایدن اسبابى تتبع و تدقیق ایله یازلمش و حرب سیسالدن بری اقوام-مدینه آرمسند و قوعه كلان حربلرك بو انواعدن هانكیسنه تعلق اولدیغی ایضاح و اراؤه ایلىش دركه محررى (فون درغولتس) منبته برصاحب قلم اولسنه مبنی مقالاتانى ذوق و استفاده ایله اوقونه جق هر درلو اوصافى جامع بولمشد .

هله - حرب و مدنیت حاضر - عنوانلى فصلی، كه كلهجك نسخهده نشر اولمق مسممدر؛ كویا، كه بزم حال حاضر اسفنا كزى تصویر ایچون یازلمشدر .

بناءً علیه مقاله نك عنوانه باقیلوبده محتویاتنك ارباب سیفه عائد خصوصاتدن عبارت اولدیغنه حکم ایدیلیرسه خفت ایدلمش اولور؛ چونكه اثر، بزم حوصله استطلاعات و معلوماتزه هنوز داخل اولماش بر طاقم مسائل جدید و حقایق سیاسیه و اجتماعیه بی و بصورتله ، شایان استفاده بر چوق مباحثی شاملدر .



مرور اعصار ایله حربك فصل مختلف شكللر اخذ ایدلیكنی مختصراً بیان ایتك فائده دن خالی اولماقوله برابر بو كتابده موضوع بحث ایدیلان موادك تفهیمی ایچون دخی یكی نقطه قیاسلر تشكیل ایدر .

قبول عامه به مظهر اوله جق صورتده حربك اقسام تفریقی وارد خاطر اوله ماز . چونكه پك زياده مختلف اساسلردن نشأت ايديكي جهته علامت ممیزه لرينك صورت قطعيده يكدیكرندن تفریقلاری قابل دكلدر .

حرب هر حالده بوجه آتی تقسیم اولنه بیلیر :

۱ - حربی انتاج ایدن اسبابه ، حرب ایله استحصال ایدلك ایسته نیلان مقصده نظراً : استقلال حربی ، مداخله حربی ، حرب دینی (جهاد) ، برفرقه آمالك استحصالی ایچون حرب داخلی ، قایینه حربی ، حرب ملی .

۲ - وسائط اجراییه به نظراً : اجرتلی عسکر حربی ، اردوی ملی حربی .

۳ - اداره حربك طرز و نوعنه نظراً : تعرضی حرب ، تدافعی حرب ، سورکلی حرب ، فرقه حربی (منازعه سی) ، نتیجه قطعیه استحصالی مؤدّی حرب ، یعنی حرب قطعی .

۴ - وقوع بولدینی موقعه نظراً : حرب بری ، حرب بحری ، طاغ حربی

صحرا حربی .

ایستیرسه بوانواع مختلفه حربدن مستخرج ، دهالایعد قسملردر میان اولنه بیلیر ، مع هذا بالاده بیان اولدینی اوزره بو تقسیمات تالیه نك طبیعی مشكوكدر ؛ چونكه بر حرب دینيك (جهادك) عین زمانده منافع دنیویه بی حائز اوله بیله جکی احتمالدن بعید دكلدر . بو منافع ایسه همان كاهه سنده واقع اولمشدر . حرب سیدساله علی العاده حرب دینی صرسته وضع ایدلمكده در ؛ فقط آوستریا خاندانك ، اسپانیا ، فرانسه ، اسوچ حكمدارانك منافی بونده پك بیوك روللر اوینامشدر . حرب هفتساله به (قایینه حربی) اطلاق ایدلمكده در ؛ لکن پروسیه نك مغلوبیت كامله سی حالده تدریجاً سیلزیانك و شمالی آلمانیاك قاتولیکلشدیرلمسی انتاج ایله جکی شهیدن وارسته ایدی . پروسیه نك پروتستان نفوسی بونی پك ایی حس ایتمكده اولدیغندن راهبیری دخی اهالی به علی الدوام ثبات ایتلمی نی نصیحتدن اوصانمیدیلر .

انكلكره قرالی برنجی شارل علیهنده اجرا ایدیلان پارلمان حربی بر جهاددن

عبارت ایدی . فقط عین زمانده حریت سیاسیه ایچون بر حرب ایدی . فلنیکش اسپانیایه قارشی اولان حربی حقنده دخی عینی شیلر سولینه بیلیر .

اسباب حرب ، وسائط ، مقصد ، طرفین مخاصمین ایچون تقریباً مساوی اولسه ایدی اساساً حربلری وحدت بیانه تابع طومق ممکن اولوردی .

بوگا بناء بزیا لکیز ۱۸ نجی و ۱۹ نجی عصرلرده وقوع بولان حربلردن بحث ایده جکز ، زیر حال حاضرده اڭ زیاده بونلر موضوع بحث ایدلمکده و بونلرڭ احوال و ضرابته استناداً حربلرڭ نایجنه دائر حکم و قرارلر اعطا ایدلمکده در . وسائط ، یعنی مناسبات عسکریه نقطه نظرندن ۱۸ نجی عصرک حربلرینه علی العاده صرف اجرته عسکر حربی و ۱۹ نجی عصرک حربلرینه اردوی - ملی حربی اطلاق ایدلمکده در . صورت عمومیهده اوله رق بو وجهله تسمیه ناک صحتی قبول اولنه بیلیرسه ده ، بسبتون مصیب دکلدر ، چونکه ۱۸ نجی عصرده روسیه اردوسی صرف اجرته عسکر دن متشکل دگل ایدی ، زیر ناحیه تشکیلاتی ، اڭاوسی اولمسه بیلر ، اولاد مملکتدن ایجه بر مقدارینی سلاح آلتیه ویرمکده ایدی .

۱۹ نجی عصرده فرانسه ، آوستریا ایله حکومات سائر ، خدمت حربیه یی کندی تبعه لرینک مکلفیت و موظفیتی خلافتیه اوله رق ، غیر مخلوط اردوی ملی به آنجق ۱۸۶۶ و ۱۸۷۲ سنه لرنده مالک اوله بیلدیلر ، چونکه اق زمانه قدر بدل - شخصی قبول ایتمکده ایدیلر . - انکلتزه حالا بوگون اجرته کونکلی اردوسنه مالکدر . ملی اردولر دخی (قادر و) اردوسی ، (میلیس) اردوسی نامیه ایکی به تفریق ایدیلور ، که ایکنجی نوعی صرف اسویچرده قبول ایدلمشدر .

دایمارقه اردوسی ایسه قادر و اردوسی ایله میلیس اردوسی آره سنده برشیدر . مناسبات سیاسیه نقطه نظرندن ۱۷ نجی عصرک حربلرینه ملی حربلر دینلیدیکی

کبی .

قاینه حربی تعیرندن ، علی العاده منافع ملییه متعلق اولمایوب ، صرف خاندان - حکمدارینک منفعتی ایچون اجرا ایدیلان حربلر آڭلاشیلقده در .

مثال اولمق اوزره اکثریا ۱۴ نجی لوینک آلمانیه قارشی اجرا ایلدیکنی حرب

و خصوصیه اسپانیانك وراثت (ادعای سلطنت) حربی تذکار ایدلمکده در ؛ بونلردن بشقه آوستریانك وراثت حربی ، سیزلیا حربلری ؛ باویرا وراثت حربی دخی اق قبیلنددر . ایسالیانلرك كندی آره لرنده ۱۵ نجی عصرده وقوع بولان حربلری ایله فرانسزلرك ۱۵ نجی و ۱۶ نجی عصرده کی حربلری دخی عین حق ایله قاینه حربلری عدادینه ادخال ایدیله بیلیر .

حرب سیساله دن صگرمه منازعات دینه شدتی خیلی ضایع ایتمش ایدی . فقط حسیات ملیه هنوز اتباهه کلامش و یا خودکه بالخاصه آلمانیده اولدیغی کی سونمش ایدی . قوانین مشروطیت کاملاً احیا ایدلمش و قوه مطلقه حکمدار ، مکین تحت استبداد اولمش ایدی . دائمی اردو حکمدارك بر اشارته آماده ایدی .

بوگی احوال داخلنده خاندان حکمداری منافعت هرشیدن اول نظر اعتباره آلتیق لازم کله جکی طبعییدر ؛ بوخصوصده منافع ملیه نك همان اکثریا نظر دقتدن دور طوتیله جفی دخی شهیدن وارسته در . حکمدارلرك افعال و معاملات سیاسیه - لری ایله اعلان حرب قرارلرینك ده همان هرزمان صرف کیف و عظمت شخصیه و ساده خاندانلرینك تزاید قوت و شوکتی نقطه نظرندن واقع اولمقده بولمش ایدوکنسه دخی عین وجهله حکم ایدلمك لازم کلیر . مع هذا انکلتزه ایله فلنك حکومتلری بوخصوصده بر مستثنا تشکیل ایلدیلر . بونلرده پارلمان موجود اولدیغندن صرف خاندان حکمدارك دکل ، منافع ملیه نك دخی نظر اعتباره آلتیق مقتضی اولدیغی نسیان ایلدیلر . انکلتزه نك اسپانیا حرب وراثته اشتراك ایتسی و حرب - هفتساله دن حصه دار اولسی یالکیز بووجهله ایضاح اولنه بیلیر . حال اولده فرانسه و اسپانیا قوای متحده سنه قارشى حرکت ، حال ثانیده اقطار بریده یکانه موجود اولان پروتستان حکومتی ازموک و شمالی آمریکا مستملکاتی فرانسزلرك ضبط ایللرینی منع ایتمك مقصودینه مبتیدر .

مستبدانه اداره حکومت ایدن حکمدارلر دخی هرزمان صرف منافع ذاتیه - لرینی نظر اعتباره آلمایوب ، بالعکس ایستر کندی حکومتنك انکشافات و ترقیاتی ، ایستر برحق صریح و یا مفروضك اجرا و استحصالی ، الحاصل ایستر کندی حکومتی

دوچار ضعف و یا انقراضدن و قایه ایچون دخی سلاحه صاریلینور ایدی ، طبق بیوک فرمدریقک حرب هفتسالهیه باشلادیغی زمانده اولدیغی گبی .

شوراسی ده اعتراف ایدمک لازمدر ، که اقوامک کافهسی مستبد حکمدارلرک افعال و حرکاته همان هیج بر تأثیر اجرا ایتمیرک . امر ونهیلرینه کور کورینه اطاعت ایتمیشلر و حربلره دخی اکثریا کندی حکمدارلرینک وظیفهسی دیه نظر ایلمیشلردر ؛ الحاصل شوده شایان اعترافدر ، که قدرت حکمدار آرده صره باعث انفعال عظیم اوله جق صورتده سوء استعمال ایدلمیشدر . مثلاً شمالی آمریقایه قارشی حرب ایتمک ایچون هس دوقهانی ایله آلمان حکومتلرینک انکلتزمیه عسکر صاتمیری گبی .

فقط هر حالده کندیلرینه هیج بر فائدهسی اولمادیغی حالده بر چوق انسانلرک قانلرینی دویمک مجبوریتنده بولندقلری بو حربلر ایله ، خاندان سلطنتک دایما دکلمهده بعضاً برولایت ، بر شهر و ساره ضیاعنه جسارت ایتمکلی حربلردر ، که مصالحه ابدیه محبانه حربک دنات و مغایر انسانیت اولدیغنه قالدیشیق ایچون براهین اساسیه اعطا ایلمیشلردر .

راهب سن پیرک : « اروپا حکمدارلری آرسنده صلح عمومی » اسمنده کی کتابی بالخاصه بوفکر ایله مالامال اولدیغی گبی (قانت) ک « صلح ابدی » کتابی دخی هر نه قدر - تاریخ نشری اولان ۱۷۹۵ سنه سنده - جهان طراقه اسلمه عکوسی ایله ولوله دار اولمقده و فرانسه جمهوریتی دخی عاقبتی و اترویه منتهی اولان طریق ظفرده حرکتیه باشلامش بولمقده ایدیمهده عین نقطه نظری احتوا ایتمکدهدر .

قانت کندی نقطه نظری ارايه ایله دیورک : « جمهوریتله اداره اولسان بر مملکتده و طنداشلر حربک مشاق و مزاحمتی اوزرلرینه دعوت ایتمکدن پک متوقی بولنه جقلرندن آتی رد ایدرلر . » سوزنده دوام ایدرک ، « بوک قارشی تبعهسی و طنداش اولمیان بر مشروطیت ادارهده ، یعنی جمهوریت اولمیان بر اداره حکومتده حرب ، مسائل ضروریه جهانندن معدود و چونکه رئیس حکومت شریک حکومت دکل ، بالعکس صاحب حکومت اولدیغندن ، کندی مانده سنه ، اصطیادینه ، کلنجه سربلرینه ،

سرای ضیافتلرینه و بوکبی خصوصاته حرب هیچ بر تأثیر اجرا ایتمز. و بنسأ علیه بر اکلنجه اویونی گبی اسباب غیر مهممدن طولای حربه قراروریلور. و ناموس و حیثیتدن طولای مسئله نك حلی بو خصوصده هر زمان ایچون حاضر اولان دیپلوماسی هیئتیه لاقیدانه ترك وحواله اولنور . دیور .

شایان حیرتدرکه قانت - پروسیه لی اولدینی حالد - یدی سنه متمادی کندی عسکری ایله عین یمکدن اکل ایدن بیوک فرءدریق طرفندن جهانیه عرض ایدیلان اق مناظر معظمه خارق العاده دن ، بشقه بر فکر استحصال ایدمه مامشدر . صورت عمومیه دده حقی اوله رق ، فرءدریقه بر حال نادر و مستثنا نظریله باقش و بونکله برابر ۱۴ نجی و ۱۵ نجی لونی ایله کندی ورسایلرندن ، کندی پومبادورلرندن حربده دخی افتراق ایدمه میان آلمان پرنسیرینی پیش نظرند طومشدر . - هر حالد بوجهلر پرنسارک موقعلری حقدیه کی صورت تلقی بی ، ۱۸ نجی عصرده فلسفه - مدنییه ایله تمم ایتدیکی وجهله منشأ حربی تمامیه صادقانه تصویرارانه ایتکده در ، که بوضورت تلقی حالا تقلید ایدلمکده و سوسیال دهموقراتلر ایله صلح ابدی محبانی حربیه برخالت دهشت و نفرت اکسا ایتک ایچون شمیدی ده اسباب حقیقیه حرب دیه خلقه تلقینات معکوسه و غیر صحیحده بولمق خصوصنده مسابقه ایتکده درلر .

۱۸ نجی عصرک بر جوق فلسفه نظریاتی ، بو و شو حکومته اسناد ایدیلان بر جوق امیدلر ، انتظارلر گبی (قانت) ک بالاده کی جملهلرینک دخی یاگلش اولدینی تاریخ عالمک بای آهینی ایله چوقدن ایتلهرک یان طرفه آتیشدر . - ۱۸ نجی عصر خیالپرستانک تخیل ایتدکلری سعادت محضه و کلیه بی بزه بخش ایدمه جک اولان شی نه جمهوریت ، نده حکومت مشروطه در . بر چوغنی قطعياً فکر مذکوره بسبتون ضد اوله رق وجودپذیر اولمشدر: طبق بیوک فیلسوفلرک ایشه بونظریه سی گبی . بوگونکی گونده حربک وقوعی حکمدارلرک طلب و آرزوسی دکل ، بالعکس آنک حدوتی یالگیز احتراصات اقوام مؤدی اولمقده در . یالگیز مأمورین سیاسیه نك بصارت و مهارتی و علی الخصوص پرنس بسمارکک مساعیسی سایه سنده در ، که صوگ یگرمی سنه دن بری حربدن اجتناب قابل اولدی . - (قانت) ک طلب

ایلیکی وجهله اوروپاده هیچ بر جمهوریت حامی صلح و مسالمت اوله رق موجود اولمایوب، بالعکس یکنه موجود اولان جمهوریت تسلیحات واسعه دهشتناکی ایله سالب آرام و حضور اولمقددر .

فرانسه اختلالی ایله برابر بشقه بردوره حرب باشلادی . فقط آکا بسبتون بروحدت طبیعت اطاره واسناد ایدیش تامایله یاگلشدر .

واقعا روسیه و آوستریا ۱۷۹۲ و متعاقبی سنه لرده قایینه حربی اجرا ایتمکده ایدی . بالعکس فرانسه ایسه حرب ملی .

الیوم حرب ملی تعیرندن علی العاده آکلانشیلان حرب ، منافع عمومیه ملیه ایچون عمومی خدمت غسکریه نك اعطا ایلیکی واسطه ایله عموم ملت حصه دار اوله رق اجرا ایدیلور . بوفاده نك دخی هر زمان مقرون حقیقت اولمیدیغنی شمدی ایضاح ایده جکز .

۱۷۹۲ سنه سندن ۱۷۹۷ سنه سنه قدر امتداد ایدن متفقلرک قایینه حربی ، بونلردن اول اجرا اولنوب بالخاصه حکومتك منافع مادیه سنی استحصال و تأمینه منحصر اولان حربلردن يك فرقلیدر . شمدی بونلرک یاننده برقاعده (پرنسیپ) دخی اجرای تاثیر ایتمکده ایدی . حکمدارک قوه مطلقه قاعده سی ایله حاکمیت ملیه و تشریعیه قاعده سی مجادله ایتمکده ایدی ، یعنی تبعه نك صورت مطلقه ده اوله رق ، حکمداره تابعیت قاعده سی خیلی زماندن بری انکلترده حکمفرما اولان حریت اجتماعیه و قانونیه ایله چارلشمقدده ایدی .

فقط اختلالك تجاوزات و تسلطاتی و بونك نتیجه سی اوله رق ، قوت و قدرته وضع بد ایدن (قبصریت) تدریجاً بایراقده بر تبدل حصولنی موجب اولدی . — فرانسزلرک حرب ملیسی کندیسنك : « سربایله حرب ، کلبه لره صلح ! » ترانه سیله اغتنام و استیلا حربینه منقلب و حکمدارلرک قایینه حربی دخی اولاً مدافعه و محافظه مجادله سنه و صگره استقلال حربینه تبدل اولدی .

شمدی بزم مصالحه پرستشکارلرینك یاپدقاری کبی، حقیقی بشریت یرینه ، خیالی بر بشریت اقامه ، یعنی طبیعتك داخلنده بولنان و بالجله خطیئات و هواسات

وَ احتراصاته تابع اولان انسانلرک رینه ، بر « مخلوق ذرروح علوی » وضع ایتک ایستیان نظریات قانونیه نك نه قدر معلول و مفلول اولدیفنی ایشته بوتحوال اثبات ایدر . فقط دها زیاده سی وار ! بیوک اردولر ایله اجرا اولدیفنی وَ حرب سیسالده اولدیفنی گبی مملکت طرفدن اعاشه ایله برابر تکالیف حربیه اصولی یگیدن احیا ایدلیدی جهته ۱۹ نجی عصرک حربلری قایینه حربلرینه نظراً دها زیاده بادی . مضرات و مساوی اولمشلردر . فرانسه نك اختلال داخل یسندم کی عنف و شدت Terrorisme اصولی گبی بوراده دخی ۱۸ نجی عصرک فلسفه سیله وعظ ایدیلان محبت بشریه وَ مخادنت عمومیه نك بسبتون عکسی استحصال ایددی . ۱۷۹۲ : ۱۸۱۵ سنه سی حربلری آره سسندم حرب منی اوله رق - هرا یکی شرطی ، یعنی اردوی ملینك وَ ملتك فکر و قلب ایله بالاشترک ایفا ایتمش اولانلری - یالکیز فرانسلرک ۱۷۹۲ دن ۱۷۹۷ یه قدر دوام ایدن حربی ایله ، ۱۸۰۹ ده کی تیرول حربی ، ۱۸۰۸ : ۱۸۱۴ اسپانیه حربی ، ۱۸۱۳ : ۱۸۱۵ پروسیه حربی عد و تلقی اولنه بیلیر .

اتفاق مقدس زماننده - که بوندن آتیده بحث اولنه جقدر - حکمدارک قوت و قدرتی بر قاعده نك لهنه اوله رق ، بردفمه دها بشقه مملکتلره مداخله ایتدیرمک کی ، سوء استعماله اوغرا دلدی ، مثلاً اسپانیا وایتالیاده اولدیفنی گبی .

۱۸۳۰ - ۳۱ ده پولونیالیرک روسلره قارشی اجرا ایتدکلری حرب ، بر حرب - ملی ایدی . هرا یکی ملت دخی جان و دلدن چار پشقمده ایدی . ۱۸۴۸ وَ ۱۸۴۹ مجادلانی ، مجادله ملیت ، مجادله قاعده علامتلیخی محتوبدر . قریم سفری ایسه بسبتون بر طبیعت مخصوصه یی حازدر ، او ، نه بر قایینه حربی ، نه ده حرب ملی ایدی . بالعکس بر حرب منفعت ایدی .

فی الحقیقه بومنفعت دخی قطعاً یالکیز خاندان حکمدارینك دکل ، بالعکس ملتلرک دخی منفعتی اقتضاسندن ایدی . روسیه نك بالقان شبه جزیره سی بسبتون ید اغتصابنه یکیرمسی غربی وَ وسطی اروپانك منافع سیاسیه وَ تجاریه سنه شمعی اولدیفنی گبی ، اوزمانده مغایر بولنیوردی .

۱۸۵۴ و ۱۸۷۷ سنه‌لری روسیه به مامشات ایدلسه ایدی، بونک نتیجه‌سی اوله‌رق روسیه دائرة تأثیر و قوت‌نک فوق‌الحد اتساعی اسلاواقوامنه اجرا ایده‌جکی نفوذ ایله برابر کنندی بک چابوق احساس ایلر ایدی.

۱۸۵۹ حربی فرانسه و سساردونیا قایینه‌لری طرفندن احضار ایدلدیکی حالده ایٹالیا طرفندن صرف بر حرب ملی ایدی. بونک فرانمنزلر طرفندن حرب ملی اوله نیلسی بک کوچ درمیان ایدیله بیلیر. آشکاردرکه اوچنجی نابولیون بو حربی اجرایه، و قتیله اعضا سندن بولندینی (قاربونارو) جمعیتنه قارشى اعطا ایتمش اولدینی وعدک ایفاسنی اخطار مقصدیله، جمعیت مذکوره طرفندن وقوع بولان سوء قصد مجریمه‌سی اوزرینه مجبور اولمش ایدی؛ رهبان هیئتى بو حربی ایسته‌مامکده و فقط بو حرب ایله استحصال ایدیلان شان و شرف، عمومیتله آلفیشلانمقده ایدی.

انکشافات سیاسیه‌نک جریان اخیرى تکمیل فرانسه‌نک - (ساووا) و (نیس) لک الحاقی مستثنا اولمق اوزره - صورت جریان و قایمیدن بک غیر ممنون اولدینی ارايه ایلدی. بو حرب، آوستریا ایچون محافظه سلطنت و حکومت مقصدینه مبتنى بر مجادله ایدی.

۱۸۶۴ سنه‌سی دانیمارقه به قارشى اجر ایدیلان حرب، تکمیل آلمانیا نك اشتیاق صمیمینى ایفا ایتمکده ایدی، که اوده شمالده بولان بو کوچک قومشونک تعدیات و تهدیداته خاتمه چکممکدن عبارت ایدی. دانیمارقه ایچون کذا بر حرب ملی ایدی، چونکه دانیمارقه ملتى متحداً و بالجملة قوتى ایله حربیه شتاب ایتمش ایدی.

۱۸۶۶ سنه‌سی حربنه مولتشک: «قایینه‌ده احضار ایدلدی» دیور، فقط بوندن طولانی آکا قایینه حربی دیمک بکا طوغری کلپور. - آلمانیا نك اتحادینى وجود پذیر ایتک یالکیز آلمان ملتک آرزو سندن، اشتیاقندن عبارت دکل، بالعکس بر ضرورت. مطلقه سیاسیه ایدی: چونکه آلمانیا سلطنت و حکومتک استقلال آیتسی بونسز ممکن اوله مازدی. اتحادک حصولی ایچون یالکیز ملت طرفندن اجرا ایدیلان تجربهدده، ۱۸۴۸ و ۴۹ ده، عدم موفقیت سندن صگره فی الحقیقه ایکنجی بر انقلابدن و اجنبی مضراتندن توقی ایتک ایچون خاندان حکمدارینک دومنی بالذات ید اداره به آلمسی

لزوم قطعيسى تظاهري ايلدى . اوستريا وروسىيگى، ايكي حكومتدن هر ايکيسى ده عين وجهله صاحب حق و صلاحيت اولدقلربنه اعتماد ايدرلر و هر ايکيسى ده عين قوت و قيمته مالک بولندقلربنى حسن ايلرلر ايسه حل مسئله ايچون بالطبع صلاحه صارلمقدن بشقه بر چاره قالماز .

بناءً عليه ۱۸۶۶ حربى يالکيز پروسىيانك دکل ، بالعکس آلمان قومنك اڭ بيوک منافع حياتيه سنده بر ترقى حصوليدير ايتك ايچون مطلق الوجوب ايدى ، و بوندن ماعدا عمومى مکلفيت عسکريه نك اعطا ايلديكى اردو ايله اجرا ايدلمسندن طولايى بر حرب مى ايدى . - ملتک آمال و افکارى منافسات داخله دن ناشى اول امرده حال انقصاصمه بولنور ايدى ، فقط حكومتك سياسيات شديد و وطنپرورانه سنى آڭلادقلرى زمان اختلاف افکاردن اثر قالمامش و - اولترامونتانلر ۱۱ ايله پارتىقولارىست ۱۲ محافلى مستئنا اولمق اوزره - غليان شوق و وحيت باشلامش ايدى .

بك اوزون بر زماندن برى آرملرى بك زياده كرينششمش بولسان بو ايكي حكومت ايچون بر هيئت حكومه مراجعت ايتك نه فائده يى موجب اولوردى ؟ بونكله برابر بو حكومتلر بر رابطه حكومه منسوب ايديلر كه آنلرڭ اعضاسى بر موجب مقاوله نامه يكيديكره قارشى محافظه صلح و صلاح ايله مؤظف ايديلر .

فى الحقيقه بر حرب مى اجرا ايتك ايچون افكار اهالىنك حكومه تظهري اولمى فائده ليدر ، فقط ۱۸۶۶ سفرى بزه ارانه ايدىور كه بوانحد افكارڭ فقدانى حربك حازر بولندينى طبيعت مليه خاصه سنى نزع ايليهميور . چونكه افكار ملت ياكلش اوله بيلير و بك چوق دفعه ده ياكلشدر .

اگر شمعى بشكرار ويگيدن، حتى رايخستاغده دخى، سوسيال دهموقراطلر طرفندن ۱۸۶۴ و ۱۸۶۶ حربلى مشكلات داخله يى ازاله ايچون بسمارق طرفندن احداث ايدلمش ديه تصوير ايديلير ايسه، اوحالده يكانه جواب اولمق

(۱) افراط فرقه سى .

(۲) بيوك بر آلمان دولتى تشكىل ايتكله برابر كوچك حكومتلر استغلال داخليلربنى محافظه ايتلرى مسئلك سياسيسى .

اوزده دینه بیلیرکه : بر مسئله نك بو درجه آلتی اوستنه کتیرلمسی ایی بر شی اوله ماز ؛ زیرا سوسیال دموقراتلر رؤسای دورۀ مجوٹ عنها حقنده معلومات صحیحه ایدینه بیلهك قدر وقایع تاریخیه بی شبهه آشنادرلر ؛ چونكه مقصد اتحاد کوز اوگنده طوتلدینی و بو خصوصده کی وسائط ، احضار ایدلك لازم . کلدیکی بر زمانده اساساً مشکلات ظهور ایتشد .

اون مختلف ملیتک ترکبدن متشکل بولنان آستریانك حربلرینه ، اصلاً حرب ملی اطلاق ایدیله مر ، چونكه بر حرب آنلردن بش قومك خوشنه کیتیش اولسه بیله ، احتمالک دیگر بش قومك فکرینه خوش کلز . بناء علیه آستریا حربلرینه حکومت حربی دیمك موافق اولور .

« محاربه میدانی اوزرنده ، حتی محاربه خوشنه کیتیمان ملتلك افرادی دخی شبهه سز وظائف متمه سی ایفا ایلر ، چونكه مشترك براردویه عائد اولمق رابطه سی ده نافع و حاکم اوله رق کندیسی گوستیرر ؛ مع مافیه شوراسی ده شایان . تذکاردرکه مثلاً ۱۸۶۶ ده مجاراسراسی آوستریا مسئله سنه اوله پك بیوک برشوق وغیرت اظهار ایتوردی . روسیه قارشی بر حربده بو خصوص بالطبع ده بشقه صورتده واقع اولوردی .

۱۸۷۰ - ۷۱ حربنه کالجہ فرانسه نك میدان اوقومسنه قارشی آلمان ملتی پر شوق و غلیان بر کتله متحده اوله رق در حال آیاقلانمق ایله مقابله ده بولندی . طبق ۱۸۱۳ ده اولدینی گبی ، بوراده دخی بالجله علامت فارقه حقیقی بر حرب ملی اولدینغه دلالت ایتکده ایدی .

فرانسزلر طرفندن ایسه حربدن مقصد ، ناپولیونك دوچار تزلزل اولان تخت سلطنتك ، فرانسز اردوسنك شان و شهرتی کولکده بر اقان بر دولتی اخافه و تهدید و فتوحات جدیده الیه ایتك سایه سنده عزت نفس و عظمتلری جریحه دار اولان فرانسز ملتیه ترضیه و یرمکله تحکمی ایدی . بوندن بشقه امپراطورك البقیین محیطی تشکیل ایدن اشخاصده ، رهبانیتك تقویه سی گبی بر امید خفی موجود بولمقده ایدی .

بناءً علیه اسباب حدودی اساساً ناپولیون خاندانه عایدتدن طولانی ۱۸ نجی عصرک قایینه حربلرینه عرض مشابیت ایتمکده در . مع هذا بشقه احوال داخلنده اوله رزق افکار ملت نظر مطالعهیه آلمکده در . بو افکار ، بر طاقم آزعقللی قفالر مستتنا اولق اوزره ، حکومتک قرارینه موافق ایدی . وهله هیچ اولمازسه منادی و طرفداران حرب اکثریتی تشکیل ایتمکده و بو وجهله ملت دخی کنیدیسی اوچنجی ناپولیونک شریک تهمتی قیلقدده ایدی . اوت ، حتی بحق دینله بیلیرکه ناپولیونی بوخطوه خطا آلودی آتمغه شوونیستلر « غیرت مفرطه » ، رادیکالیستلر « اصلاحات اساسیه » قله ریکالیستلر « رهبانیت طرفداری » سوق ایلدی .

چونکه اوچنجی ناپولیون هیچ اولمازسه آلمانیا ایله حرب نه دیمک اولدیفنی برچوق فرانسلرلرین ، نسبتاً ده ائی تقدیر ایدیوردی . —

بدایت حربده فرانسه ده احوالک اخذ ایلدیکی رنک وشکل ارابه ایدیورکه کتله ناساک افکاری برحربک حقلی اولدیفنه حکم ایتمک ایچون برمقیاس صحیح اولمیدینی گئی ، مذکور حربی ، حرب ملی توصیف ایتمکده برصلاحیت اعطا ایتمیور . بردفعه برخطا ایدیه جک اولورسه انسان آرتق کندی قرارلرینه بستیون حاکم اوله مدینگی گئی ، نتیجه سندن دخی یک کوجلکله اجتناب ایده بیلیر . صکره عمومی برخدمت عسکریه ایله غامبتانک زیر اداره سنده اوله رزق تحویل طالعه ساعی اولملری داعی مؤاخذه دکلدر . بو آندن اعتباراً آنلرک حربلرینه ، بر حرب ملی تسبیحه اوله بیلیر . فقط بوندن طولانی ایمپراطورک زیر اداره سنده واقع اولانه نسبتاً ده ا حقلی عد ایدیه مز . زیرا منشاء و سوء استمالنده کی مخالف حقانیت شابه لر آندن انفکاک ایده مز .

بناءً علیه عمومی مکلفیت عسکریه وساطتی ایله کندی وطننک مدافعه سی ایچون اجرا ایدیلان حرب ، بر حرب ملیدر ، فقط بوندن طولانی حقلی اولمی لازم کلز .

صوک ده ساللرده حرب ملی تعیری ایله بر طاقم مناسبترلکلر اجرا ایدلمش و یک چوق قاریشبقلقلر ، اغتشاشات حصوله کتیرلمشدر .

حربك معین اقسامه تفریق ایدیله نلسنك ممكن اولمديغنی ظن ایدرم، که بو فصلده اثبات ایدرم ؛ حرب ملی و قایینه حربلرینه اکثریا اولیه معنا و اهمیتلر اطاره ایدلمشدر، که تاریخ براز لایقيله تدقیق ایدیله جك اولورسه اسباب موجبہ نك مفقودیتی ظاهر اولور ؛ سوسیال دموقراتلر ایلہ صلح طرفدارلری کندی سلاح مدافعہ لرینی اکثریتله ده قایینه حربلری دورہ سندن اخذ ایتمکده درلر، که اقرادن کتیریلان دلائل حال حاضرہ قطعاً توافق ایتماکده در .

بوندن بشقہ ۱۸ نجی عصر حربلری گبی پک آز وحدت طبیعتہ مالک اولدقلرندن بونلر ، ۱۹ نجی عصر حربی دیہ ادعا اولنه بیلیر .

فقط منشأ لرینك قایینه حربلری گبی ، داناشدن عبارت اولدقلری سوسیال دموقراتلر ایلہ صلح محبعلری طرفندن درمیان ایدلمکده و حتی شمعی حرب ملی دخی - آنلرک قولجه - کتله معظمنی اصلا کندیلرینه تعلقی اولمديغنی حالده « سلفخانیه » سوق و ایصال ایتک ایلہ توصیف ایدلمکده در .

سوسیال دموقراتلر ، حربی ملتک رأى و تنسینه تابع طومتق ایسته یور ، صلح طرفدارلری ایسه کندی نظریه لرینی مدافعہ ایچون اتفاق بین المللک ، (محکمہ - حاسمه) نك مساعیسی خلافتہ اوله رق حربك منعی قابل اولمديغنی تقدیرده دخی بوقاعدهیه موافقت ایدمز . افکار اقوامك نظر دقت و استشاریه آلمش اولدیلغنی صوگ اوتوز سنه لك تاریخ تدقیق ایدیله جك اولورسه ، بو فکر ورایلر بر حربك موافق حقانیت اولدیغنك ، لزومیت و مقدسیتنك برواسطه غیر مغفله سی اولوق لازم کلدیکی حالده بونی تأمین ایده جك بر قیمت واهیتی حائز دکلدردر .

محرری

مترجمی

جنرال فون بوغوسلاوسکی

محمد رشدی

